

# A7 Školako šavořo



O Karl Stojka bijandilo ando bêřš 1931 ande 'k cĭkno gav ando Niederösterreich. Leski familija perel pe Řomengĭ grupa „Lovara“. Von sas barvale bizničarja kaj ćinenas taj bićinenas grasten. Milaje phirenas von pe la austrijakĕ regionur Burgenland, Steiermark taj Niederösterreich. Ivende trajinas von ando Beći vaj na dur kata o Beći. Palaj austrijaki okupacija kata l' nacionalsocialistur leski familija ĉi tromajli maj but te phirel po milaj, anda kodja aćili permanentno ando Beći. O Karl, leskĕ trin pheja taj vo peskĕ phralesa, źanas ande škola ando Beći, kote avile von amala bute laće źenenca. O oficialno anav leskĕ dadesko sas Karl Horvath, numa savořĕ prinźanenas les numa tala anav Wakar. Leska dakĕ bućelas Sidi Stojka, kana sas voj šejoři, numa butivar hazninas von vi la familjako anav Rigó, kĕ vi kata kaća bari taj aćundi „Lovarengĭ“ familija avenas lengĕ njamur.

1910

1951

1940

## 💡 Źanglen tumen

...kĕ karing 1,5 milivoja bĕjatur mundarde le Hitleroskĕ manuša pe vrjama kata o holokausto? Mařkar lende sas karing 1,2 milivoja jevrejongĕ glati.

...kĕ le glati sas jek kata maj bare viktimongĕ grupe tala naciјengo režimo?

## ✍ Tumari bući

Puśen taj roden, save Řomengĕ taj Sintongĕ grupe egzistirin ĭnkĕ!

## 📷 Paj fotografija

E fotografija sĭkavel le Karl Stojkas, kana sas lo inja bêřsengo. Fotografirime 1940 ando foro Beći. Deutsches Bundesarchiv Berlin Lichterfelde/Deutschland.



<https://www.romasintigenocide.eu/kelderash/a>